

沔陽州志卷之

武備

兵制 水師附

沔為縮轂要區古昔兵制備矣明太祖既定武昌與諸將議所向而以沔陽為幹安陸襄陽為枝防禦固不重哉甲寅乙卯間粵逆竄擾人民塗炭城闕灰墟鄉民斬木揭竿倡義聲而起團兵數月之間毒氛廓清復覩漢官威儀可謂壯矣嗣是防制益嚴巡哨益密湖河汊港諸要隘復設炮船派水師不時稽查南江北漢行旅晏然夜吠無驚者且三十年綜厥始末亦當時得失之林

沔陽州志

卷六 武備

兵制水師附

一

也志兵制

駐劄州城防守城池倉庫荆門營千總一員馬步兵三十八名後裁

駐防新隄守備一員帶馬步兵一百六十名專司陸地後裁

水師營把總一員

詳後

駐防脈旺嘴外委把總一員

仙桃鎮北岸目兵五名

蕭家口目兵四名

脉旺嘴目兵五名

仙鎮南岸目兵五名

下查埠目兵四名

敦厚岸目兵四名

浹液池目兵三名

沙湖龍王嘴目兵四名

范漑關目兵五名

北口目兵三名

拖船埠目兵三名

新隄目兵五名

雙柳樹目兵三名

西流院目兵三名

沔陽州志

卷六

武備

兵制水師附

二

馬家灣目兵三名

茅埠目兵三名

白沙洲目兵三名

鳥林磯目兵三名

竹林灣目兵三名

鍋底灣目兵三名

兵事附

楚頃襄王二十一年秦伐楚拔郢更東至竟陵以為南郡二

十七年楚復取秦所拔我江旁十五邑為郡距秦楚州邑正

意州為秦取踰考烈王元年納州於秦以平二年復為楚得

漢末王莽篡立地皇元年竟陵三老起兵於郡界南郡張霸

江夏羊牧新市王匡王鳳與馬武王常共起雲杜綠林中聚

眾數萬人號下江兵二年荊州牧發兵攻之匡等迎擊於雲

杜大破牧軍遂攻拔竟陵轉擊雲杜安陸

光武帝建武二十三年南郡潯山蠻雷遷等始反叛寇掠百

姓遣武威將軍劉尚將萬餘人討破之徙其種人七千餘口

沔陽州志 卷六 武備 兵事附 三

置江夏界中今沔中蠻是也

獻帝建安十三年權討黃祖祖橫兩蒙衝挾守沔口以楫櫓

大繼繫石為釘上有千人以弩交射飛矢雨下軍不得前

九月曹操既定荊州將精騎五千急追先主一日一夜行三

百餘里及於當陽之長坂先主與諸葛亮張飛趙雲等數十

騎走斜趣漢津適與關羽船會得濟沔遇表長子江夏太守

琦眾萬餘人與俱到夏口先主遣諸葛亮自結於孫權權遣

周瑜程普等水軍數萬與先主并力拒操遇於赤壁赤壁在

周瑜程普等水軍數萬與先主并力拒操遇於赤壁赤壁在

今嘉魚縣地時操軍眾已有疾病初一交戰操軍敗退引次江北胡三省通鑑注引郡縣志江北為烏林正沔地也案水經江

水注江水左逕白螺山南又左逕上烏林南又東逕馬黎口

江浦也既中鳥林也又東逕下鳥林南又東左得白子練口北通練口江浦也又云江水左得中陽水口又東得白沙口一名沙屯既麻屯河也本名蔑黙口江浦矣又東右得聶口江浦也左對聶州江水左逕百人山南右逕赤壁山北又於烏下自注云村居地名也吳黃蓋敗魏武於烏林卽是處也赤林擘山自注云昔周瑜與黃蓋詐魏武大軍處所也案以水經注考之赤壁烏林相距百數十里史言操於赤壁敗退引次江北明由赤壁敗時退師引次江北之烏林故後漢書言操敗於烏林赤壁亦兩地並舉也操軍大敗在烏林不在赤壁故關羽言烏林之役左將軍身在行間亦祇舉烏林不及赤壁也烏林是村居名在沔陽州西南今以黃蓬山支阜爲烏林則與酈注村居之言不合矣

瑜等在南岸瑜部將黃蓋曰今寇眾我寡難與持久然觀操軍方連戰艦首尾相接可燒而走也乃取蒙衝鬪艦數十艘實以薪草膏油灌其中裹以帷幕上建牙旗先書報操欺以欲降又預備走舸各繫大船後來因引次俱前操軍吏士皆延

沔陽州志

卷六 武備

兵事附

四

頸觀望指言蓋降蓋放諸船同時發火時東南風猛悉延燒岸上營砦頃之煙炎漲天人馬燒溺死者甚眾軍遂敗退

志周瑜傳注又江表傳云至戰日蓋先取輕利艦十舫載燥荻枯柴積其中灌以魚膏赤幔覆之建旌旗龍幡於艦上時東南風急因以十艦最著前中江與帆蓋舉火白諸校使眾兵齊聲大叫日降馬操軍人皆出營立觀去北軍二里餘同時發火火烈風猛往船如箭飛埃絕爛燒盡北船延及岸邊營砦瑜等率精銳尋繼其後雷鼓大進北軍大敗曹公退走

二十四年孫權使呂蒙襲攻荊州蔣欽督水軍入沔

吳嘉禾三年夏五月孫權遣陸遜諸葛瑾等屯江夏沔口五年權北征使遜與諸葛瑾攻襄陽遜遣親人韓扁齎表奉報還敵於沔中鈔邏得扁

魏青龍六年關羽圍曹仁於樊羽軍既退舟船猶據沔水司

馬懿治水軍於荊州欲順沔入江伐吳

晉明帝太寧元年王敦反逼建康鎮南大將軍甘卓自襄陽

將襲武昌軍於豬口即豬口說見山川類累旬不前敦聞卓以下兵遣

卓兄子行參軍印謝卓卓逕還襄陽十一月徙王舒為荊州

刺史監荊州沔南諸軍事

成帝咸康五年九月石虎將夔安李農陷沔南安自江夏進

圍石城胡三省通鑑注賢曰石城故城在今復州沔陽縣東南水經注沔水逕石城西城因山為固晉惠帝元康

九年分江夏西部置竟陵郡治此案胡注兼存二說州志列之沔陽仍依舊志存之竟陵太守李陽拒

戰破之斬首五千餘級安乃退

孝武帝太元八年符堅率師寇晉冬十月慕容垂拔鄖城胡三

沔陽州志 **卷六 武備** 兵事附 五

省通鑑注用杜預說在雲杜東南 十一月平南將軍慕容暉屯鄖城聞堅敗

棄其眾遁去

安帝義熙元年正月桓振留桓謙等踞守江陵謙棄城走振

還振兵赴紀南與魯宗之戰至是始還望見火起知城已陷其眾皆潰振逃於

澗川三月振自鄖城襲江陵胡三省通鑑注用杜預說即雲杜東南之鄖城建威將

軍劉懷肅自雲杜引兵馳赴與振戰於沙橋臨陣斬振此據通鑑

晉書桓元傳桓振與符宏自鄖城襲破江陵劉懷肅自雲杜伐振等破之西魏孝武帝永熙二年即梁武帝中大通五年遣賀拔勝攻梁沔陽等

郡拔之

陳宣帝太建十二年秋七月周司馬消難以沔州來降八月

庚申詔鎮西將軍樊毅進督沔漢諸軍事胡三省通鑑注沔

州改沔

隋煬帝大業十一年冬十二月譙郡人朱粲擁眾數十萬寇

荆襄漢南諸郡多為所陷屠竟陵沔陽殘戮無遺見新唐書朱粲傳

恭帝義寧元年十月沔陽人張繡謀據郡叛隋推蕭銑為王

唐高祖武德四年五月隋真定令周法明遣子紹德攻沔陽

拔之庚午以郡降於唐

僖宗乾符中賊王仙芝黃巢等放兵四略殘郢復二州所過

焚剽生人幾盡

廣明二年淮南將張瓌陷復州

沔陽州志 卷六 武備 兵事附 六

昭宣帝天祐二年八月楊師厚收郢復等七州

後唐莊宗同光中高季興以兵襲取復州之玉沙監利二縣

案此條見舊五代史注引五代史補攷玉沙立縣在宋太祖乾德三年此時不應有玉沙縣存以備攷

宋欽宗靖康二年金兵南掠殺鎮海軍節度使劉延慶其徒

祝進王在去為盜犯復州攝德安守劉規連戰破之

高宗建炎元年九月御營都司統制范瓊捕斬賊李孝忠於

復州范瓊屢與孝忠戰敗績會諸郡兵至與統制官喬仲福戰於復州之雲澤大敗之斬其首

四年劉超合叛將彭筠犯復州筠為鄂州統制部將所過無

不殘滅是年置鎮撫使復州等處陳規領之

紹興元年十二月桑仲遣兵寇復州守臣祖遜棄城去

理宗端平三年蒙古分兵兩路一攻復州方志蒙古端平三年元

襄陽江陵等處時隨郢荆門守皆委郡去惟沔守施子仁固

守城陷死之案元史孟珙專只云大元兵而忒木得入漢陽

境則在下文此一在枝江江陵縣編筏窺江宋將孟珙變易

旌旗服色循環往來又遣外弟趙武等共戰珙躬往節度破

蒙古二十四砦奪所俘二萬口而歸方志宋嘉熙元年十月

州案元史天澤傳蒙古宗王昆布哈史天澤圍光州進攻復

州南師以舟三千鎖湖面為柵天澤日柵破則復自潰親執

桴鼓舞勇士四十人攻其柵不逾時柵破復人懼請降進攻

壽春畢沅續通鑑同考壽春在光州東北若復州則在光州

西南千里而遙元兵由光州進兵壽春無緣進次復州

之理天翠圍光州非次復州史家誤綴而志沿之也

淳祐十二年二月蒙古兵寇郢安復諸州京西馬步軍副總

管馬榮率將士連日拒戰却之

沔陽州志 卷六 武備 兵事附 七

度宗咸淳元年己巳元世祖至元六年春正月戊午阿珠率軍入宋

境至復州俘萬人而去

十年九月州志八年通志十年復州副將翟國榮遇元兵戰

爛泥湖死之庚申贈國榮復州團練使官其二子立廟復州

冬十一月元將伯顏及宋戰於風波湖

丙戌巴延軍逼復州案巴延疑知州翟貴以城降攷元史世

元十一年十一月乙諸將請點視倉庫軍籍巴延不聽諭諸

安撫使翟貴出降將不得入城違者以軍法論案宋史瀛國公紀翟貴以城降

係十月己巳此從元史巴延傳恭帝德祐元年夏四月戊申元將阿爾哈雅方志作阿里海

寇江陵宣撫使朱禎孫制置副使高達降制置移檄所部歸

附於是復州守翟貴以城降攷元紀貴降係四月辛酉案翟貴於咸淳十年已降元此言貴

降者蓋巴延退後貴仍以城歸宋至是復降於元也

是年宋將張世傑復據岳州取復州降將翟貴妻子送之江

陵會郢復岳三州及上流諸軍戰船數千艘兵數萬人扼荆

江口攷通鑑輯覽扼荆江口事在阿爾哈雅寇江陵之前五月辛未樞密院言郢復二

州戍兵不足擬襄陽等處選五千七百人隸行中書省聽阿

爾哈雅調遣從之

元順帝至正十二年春正月辛未徐壽輝遣曾法興攻陷沔

陽推官象山俞一作余述祖達魯花赤咬住死之先是述祖領

民兵守緣水洪既見賊眾寡不敵退入城與咬住固守至是

沔陽州志 卷六 武備 兵事附 八

城陷被執械至壽輝所述祖罵不輟壽輝怒支解之

十三年冬壽輝僭號於漢陽遣使召明玉珍授元帥益兵鎮

沔陽與元將哈林禿戰湖中流矢中其左目遂敗退

十五年春正月丁丑徐壽輝遣其將倪文俊復陷沔陽沔人

陳友諒亦起於黃蓬五月庚戌倪文進自沔陽陷中興路六

月乙亥命布延特穆爾招安沔陽等處十月命布延特穆爾

埒克戩招諭沔陽舊志六月命章佩監丞普顏帖木兒翰林修撰烈瞻招諭於沔陽也秋七月

命參知政事哈林禿元順帝紀及王答失帖木爾一作達實特穆爾

守禦沔陽如賊不降即進兵討之十一月甲午以泰不花一作

台布哈哈為湖廣行省左丞相總兵招撫沔陽等處元史撫荆襄

作捕



諸軍悉聽節制仍詔以功賞宣勅金銀牌面

二十一年陳友諒走武昌吳王遣將徐達追之友諒出戰艦  
沔陽達榮漢陽沌口以遏之

二十四年陳理降於吳主漢沔荆諸郡皆下時統軍元帥吳  
復從達出師有功吳王授復鎮武衛指揮同知守沔陽

二十五年夏五月己亥舊志作洪武乙亥五月己亥誤吳平章常遇春攻安

陸克之先是遇春既行吳王復調江西右丞鄧愈為湖廣平  
章領兵繼其後使人謂愈曰若襄陽未下則令遇春分兵半

集沔陽半集竟陵汝居武昌使聲援相應以遏寇之奔軼奉

命遂行續通鑑吳王嘗與徐達等論襄陽形勢曰安陸襄陽  
跨連荆蜀乃南北之襟喉英雄所必爭之地今置不

沔陽州志 卷六 武備 兵事附 九

取將貽後憂况沔新附城中人民多陳氏舊卒壤地相連易  
於煽動譬之樹木安陸襄陽為枝沔陽為幹幹若有損枝葉  
亦何有焉今宜增兵守秋七月甲子吳王與元擴廓帖木爾  
沔陽庶幾不失其宜

書曰閣下昔與孛羅搆釁雌雄未決以知院郭雲同僉任亮  
攻我竟陵掠我沔陽余思此城雖元故地久在他人之手余

從他人得之非取於元也二十六年二月吳克高郵俘其將  
士悉遣戍沔陽辰州仍給衣糧有差

明武宗正德四年賊邱仁楊清等謀作亂聚眾於麻洋布政  
使陳鎬副使蔣昇率兵擒之

世宗嘉靖四十三年州東一百六十里接漢川縣界有雞公  
洲大盜嘯聚劫殺人財分巡吳椿詳委沔陽衛百戶一員督

領哨兵駐防

神宗萬曆元年以州東境邵老腦據郡國利病書係邵州腦連絡九真白

湖四望一壑黠寇潛匿支浦伺商舶劫掠為梗分巡荆西兼

兵備僉事余一龍詳請設哨船五隻委沔陽衙指揮一員督

領沔陽及竟陵潛江民兵分布巡輯僉事亦移駐沔陽就近

節制

懷宗崇禎十六年春正月六日土賊張冕劫庫肆焚掠生員

費光遠千戶傅賓鳳等率義兵擒殺之時潛景皆為流賊所

踞知州章曠起兵討賊同知馬飈率士民協力守城三月四

日賊將白旺統大營來攻力不支城陷飈被執不屈賊以槩

沔陽州志 卷六 武備 兵事附 十

刺尻而死民從死者無算明史章曠傳崇禎十六年三月賊將郝搖旂陷其城同知馬飈死之

曠走免此作白旺誤望柳山有一老諸生聞州城陷以頭觸牆痛哭赴

水死

國朝順治二年八百洲賊起古復營官軍擊破之

三年副總楊宏場方志楊杜鎮沔適往武昌土賊姜丙以妖術

翦紙為人馬聚黨鷄頭湖宏場部將樊霜何志吾等往剿敗

死賊乘勢犯州城抵七里關宏場妻某氏率兵堵殺生員費

光遠統壯士百餘突入賊巢擒斬殆盡

康熙元年壬寅闖賊餘孽李來亨等盤踞西山當楚蜀之間

冬大兵進剿沔陽起馱夫四千五百有奇是年秦豫楚三省

官兵進剿西山楚師深入據七連坪逆賊李來亨悉力拒命  
楚師退至當陽遂發大兵復攻來亨於茅麓寨

三年甲辰秋八月西山平馱夫始息

王浩冲日徭役連年民不聊生書始息快之也

苦之也

十二年癸丑冬逆藩吳三桂叛竊踞衡岳等處沔逼近賊境  
民多逃竄

十九年庚申春大荒盜賊起

二十七年五月武昌譁卒夏逢龍倡亂不逞之徒多響應沔  
邑盜犯十二人自武昌越獄歸新鎮大肆猖獗巡司勞祖望  
及庠生虞文明何振武等率民兵擊斃之

沔陽州志

卷六

武備

兵事附

十一

乾隆五十九年白蓮教匪掠荆襄沔陽騷動

嘉慶二十五年沔陽教匪將謀亂官吏緝拏始散

道光二十年盜聚監沔間之北口結黨千餘人散居各鄉鎮  
盜竊耕牛覓獲者索重金始還沔陽人結牽牛會禦之

咸豐二年冬十月粵匪洪秀全等竄湖南等處旋陷武漢沔  
陽戒嚴始募勇防禦十一月土匪踞胡家場原任鎮筭鎮總  
兵向尊化在籍會商知州蕭蔭恩緝拏焚其巢穴

三年春正月粵匪下金陵是年沔陽土匪四起肆行劫掠冬  
十月監犯曹六牙薛八兒及土寇陳苦鴿子越獄走勾引紅  
巾竄沔北界知州蕭蔭恩同衛守備王芳把總葉定國募勇

教練沿城巡防

四年正月髮逆入沔盤踞仙桃鎮陳苦鴿子擁眾數百結聯髮賊出里仁口將攻州城衛守備王芳與戰郭家河死之練勇孫宏張順同日戰沒二十九日陷州城知州蕭蔭恩奔荆門州請援

三月初一日賊燬學宮是日天氣清明忽雷聲大震五月有賊抄掠邑西之太平橋農人羅宗鼎集眾逐之至富有院黃天周殺其爲司馬沈屍於河事發賊執宗鼎戮之黃大周趨江陵見奎錫雨翼長請兵復沔時蕭蔭恩在荆門大周往報先是庠生曾學濂走謁蕭蔭恩爲畫團練策蕭蔭恩從其言

沔陽州志

卷六

武備

兵事附

十二

乃遣大周先歸揚言大軍尋至於是余芳廷等往荆門迎蕭蔭恩文生文藻李涵春余祖潤雷炳鏞王治平黃潛葉炳龔良材武生秦忠德張邦鑑暨光德安黃聯鑣傅錫蕃陳正彪羅永鑑等共起團練民皆斬木揭竿應之六月曾學濂佐蕭蔭恩至自荆門次於段家場李涵春等集練勇於通海口鼓噪而出賊退入城是夜涵春命比戶爇柴以張聲勢賊潛遁二十六日西鄉各團鄉勇翼蕭蔭恩復州城蕭蔭恩與曾學濂李涵春謀集餉徵兵以圖進勦

二十七日沿城團練亦起孝廉方正黃本傑軍功魏學琪武生曾士沅朱鴻勛等戰守出力翰林院待詔李九皋庠生周

炳易文凱章起銓費兆梅杜康蕃從九陳文楷監生吳崧等  
籌辦團防

二十八日把總葉定國率城內外三十六保團勇勦賊魏學  
琪黃本傑及庠生王冤璪監生閔學昇佾生劉選一童生傅  
昌林等從之敗賊於郭家河殺賊數十人有悍賊方然礮學  
琪手刃之賊潰農人王同晉以鋤殺執旗賊賊竄張家溝  
三十日勦賊於張家溝賊竄里仁口仙桃鎮等處

七月初一日復里仁口各處團練悉起沿隘設卡防守仙桃  
鎮賊與漢郡賊聯絡勢復張

十五日秦忠德李鳳鳴及庠生范錦章曾斗南等督勇攻仙  
沔陽州志

卷六

武備

兵事附

十三

桃鎮克之

十九日長埭口脉旺嘴相繼復沙湖土賊李喜貴勢熾甚李  
涵春秦忠德胡紹周等翼蕭蔭恩進勦轉戰數日不克紹周  
死焉

江陵廩生林天植率勇由府場至老溝文生楊壬甲裴禹川  
從九品劉秦川監生劉羽廷劉南甲等帶勇屯官墻湖是夜  
疾趨沙鎮明日至石山港天植撤所過橋示無退志時蜀黍  
茂密賊出沒莫測天植升屋以望見賊大至卽命開隊江陵  
勇居先壩潭老溝勇繼之銃手王國賢姚德才王居振羅名  
書等以排鎗斃巨賊賊退紮南岸武生張大勛等復帶排鎗

隊攻賊賊欲保沙湖登舟北渡適張起鳳秦忠德抵沙湖賊遂順流下天植與張起鳳各軍南北水師繼進賊遠竄越日漁人楊思偉殺李喜貴於蘆中赴天植營獻馘賊大敗分竄各道東據香爐山西據漢陽溝

閏七月初一日范錦章曾斗南等薄賊楊林溝敗績賊追至長塢口雷家灣燒殺倍酷

初二日廩生歐陽圻率義勇雷三泰雷之霖劉道明等戰於雷家灣圻親燃巨礮有賊出陣後圻三泰等皆死焉鄉勇多陣亡

州判吳秉忠檄武生平仁寬等率鄉勇往援捲旗啣枚直搗

沔陽州志

卷六 武備

兵事附

十四

賊壘鎗礮齊發賊驚遁

初三日賊大至錦章斗南走里仁口說林天植進勦文生胡兆棋周汝楫按奇門欲出袁家口斗南等謂仙鎮大局所關與秦體和督大旗先發至太平橋伏賊起斗南錦章同遇害初四日東鄉馮大寶周義元北鄉向兆林向澤遠曾尙春武正超等七十餘人兩路攻賊兆林以鳥銃斃二賊葉祖榮亦挾鳥銃擊賊藥轟斷腕猶力戰鄉勇胡慶官等擊斃賊左翼旂手賊敗走追至仙桃鄉官碼頭遇大隊力戰殺賊無算賊退阻鄢家灣浹旬乃遁馮大寶等以敢死數百人邀擊於漢川之團洲失利馮大悅大本兄弟十餘人皆力戰死賊圍大

寶數重大寶漸不支忽四川統領陳慶有自西來援斬賊首苦鴿子大寶乃免餘賊東下矣

五年正月四日賊復竄白公湖下查埠長埭口等處漢川繫馬口賊竄襄河北之脉旺嘴鄢家灣杜公湖等處鄉勇戍仙桃鎮抵禦

十四日張起鳳等大敗賊於棉花洲是日州判吳秉忠督所練勇拒賊北岸武監生陳濟棠武生李輯五率鄉勇助之大戰六林口賊犬至不能支秉忠死觀音閣下濟堂等同日死仙桃鎮復失張起鳳退駐里仁口竭力防堵礮聲徹夜賊不敢進

沔陽州志

卷六

武備

兵事附

十五

十六日千總張汝止敗於王家院喪勇三百餘人庠生王定一之子立中與汝止陣亡

二十一日各團首會江陵軍功馬鎮帶勇圍賊於馬家角紅橋等處馬鎮者林天植所募武士也有瞻略前由龍灣轉戰入沔所向有功是時賊出其大隊從油榨灣下繞黃荊口抄我軍後我軍潰庠生徐步瀛義勇張錫端軍功倪珍菴等十三人與鎮弟同戰死

二十七日林天植用廩生沙道存策演陣林家拐賊以數騎誘我軍追之羣賊從坑坎中騰起擒五品軍功楊毓理軍大潰天植死焉監利從九謝登瀛連放大礮受重創死道存及

廩生劉彥楷生員答文彬監生張煥春軍功龔鵬舉等同日死義勇熊德厚擁大纛殿後亦戰死賊執毓理至仙桃鎮脅使降毓理怒罵賊縛諸馬王廟柵擊以烏銃洞胸及腹罵不絕口死尤烈賊騎至郭家河州城居民盡走張起鳳率鄉勇數人入城沿陴張旗幟鼓礮聲不絕賊懼有伏遂下竄蕭蔭恩乃率兵入守

三月荊州將軍官文檄翼長錫齡阿四川軍功李光榮率兵至仙桃鎮先鋒李春芳驍勇善戰尤精鎗礮所向無前賊遂遁十二日賊復至仙桃鎮光榮等退守里仁口湖南軍功李保邦率師三千人來沔麾下多徭兵形狀猙獰保邦有將才

沔陽州志

卷六

武備

兵事附

十六

能出奇制勝遂合光榮兵克復仙桃鎮進屯鄢家灣立柵開濠堵禦

夏四月賊攻鄢家灣保邦光榮等屢戰敗之一夕二鼓賊眾大至直撲保邦營保邦所帶南勇悉裸體與賊鏖戰火光燭天居民皆踞壁上觀相持至午夜賊始敗走保邦率勇窮追斬馘無算九月二十八日賊破鄢家灣壁壘保邦光榮敗走喪川南勇數十人李春芳殿殺賊無算力竭死之賊遂由仙桃鎮竄郭家河

三十日張起鳳擊賊郭家河力竭退走賊復入城凡四日聞荊州大軍至乃燒下關走沔陽知州蕭蔭恩行保甲法搜獲



賊黨甚眾沔境始平是年八月胡文忠兵由麥山潰左次新隄下四十里軍無現糧潰兵至新隄市民大驚思遁舉人傅卓然倡眾捐軍餉錢逾萬緡及他支應供給所費不貲文忠軍復振賊以故不上竄其錢率由鎮民行店按貨抽捐胡文忠探其法通行一省湖北抽釐助餉自此始

王冕南曰當李保邦之來沔也軍餉不給沔屬各鄉按畝派錢百文米一升卽窮鄉僻隅皆踴躍輸將錢米堆積如山如是者二年不費公家一錢而鄉勇客兵胥奏膚功雖未能盡達宸聰而沔民報國之忱何可泯也按是年鄂城又陷麥山之敗胡文忠收合散亡去新隄四十里營馬方是時軍無沔糧人心危懼州同鍾謙鈞舉人傅卓然會議倡捐軍餉按肆籍抽各行舖稅月可數千緡軍遂大振扼控長江賊不得上竄荆岳而抽釐之法遂入奏准行各直省得以挽回全局而成中興之績推原所自實自沔南倡之

同治二年教匪何士秀謀不軌事發伏誅初渡口人何士秀詭言得異書天潛監沔鄉愚多爲所惑是年二月遂於洪湖釃酒椎牛祭旗將攻城劫獄里紳易覲文偵報方是時承平未久人懷恇怯一聞警報城內外居民遷徙殆盡知州梁照飛遞請兵省垣隨檄城鄉各團招勇命監生閔學昇佾生劉選一等率勇六百人護城命軍功周義元監生劉翹南等率

勇千人紮王家口以扼其衝又以衛守備謝祥岐爲統領武舉劉國璋武生李鳳鳴軍功魏學琪屬焉各率數百人集府場照居中策應士秀等見官紳部署周匝器械精良鎗礮之聲不斷遂猶豫不敢發其黨皆竄匿無踪士秀勢孤懼甚乃詣覲文家投首浼爲乞命覲文僞許之潛招我軍至擒士秀及其黨熊克振方五等連夜械送入城士秀農家子慧黠有口辨頗通文字遇匪徒以幻術誘之遂結黨謀反梁照案訊無據將爲末減會上馬口團勇緝獲賊黨三人搜出僞符印始嚴鞫之士秀供稱是月課士時其黨數百人冒稱應課入試院以昏爲期卽於院內戕官舉事不意是日風雨弗輟以

沔陽州志

卷六

武備

兵事附

十八

故他邑人眾失期不至而事洩矣照檢課士册是日投卷未交者果六百餘人既訊得情實適協戍黃得勝帶兵五百自武昌來援照遂親率各軍捕搜士秀宅掘得黃袍及名册乃拘獲首犯王名芳劉步瀛等數十人戮之餘悉不問

案劉步瀛嘗從

髮逆授僞總制荼毒漢陽已而來降復以逆謀誅梟決之日伏家有不遠數百里來觀杯飲其血者怨毒之於人甚矣哉

天網不漏信然

五年夏四月擒匪犯天門將竄沔境知州阮泰筋優廩生杜舉庠生李友蘭會同西鄉舉人崔震陽庠生梁逢庚高兼三等率勇沿襄河防堵賊不敢犯以功保薦有差

黃福跋曰沔四平之地水陸交通無險可守然縱橫數百里

下足以翼蔽武漢上足以唇齒荆襄爲出入要道而攻守必爭之區也史傳彰彰矣咸豐初粵寇殘湘岳躡鄂渚刷斬黃掃潯皖電馳風飈順流東下揚帆直指石頭說者謂賊欲倚金陵爲老巢故不暇由武漢上爭荆襄豈知順流斯達逆泝則艱江寬易越漢挾可扼賊計固未嘗不黠也且彼亦嘗以重兵爭上游矣所以不能觸襄樊之壁壘窺荊州之濠堞者以監沔諸州縣隔關牽掣於其間耳非監沔有劍閣函谷之阻重關廣谷之險足以限戎馬而懾敵威良由林深湖紆地大民衆賊越監沔而爭荆襄頓兵堅城我乘其後前角後犄彼將坐困故監沔之團練興賊不敢正視荆襄也加以敵愾

沔陽州志

卷六

武備

兵事附

十九

同仇視死如歸人顧其私各自爲戰雖復互敗迭勝梟盧交哄而連鋒數年敵燄已潛上竄之志中輟我二三將帥措置得法賊亦畫江爲守矣推其故不可謂非監沔團防之一助也不然長蛇封豕長驅大進如蹈無人之境或枯摧朽拉望風瓦解一鄉敗百邨遁一隊陷千營拔無復碁布星羅更出迭進奮死力以與賊相抗抵荆襄雖固豈有完區哉荆襄不固中原堪設想哉則監沔團防之功又不僅在荆襄而已昔張許以一睢陽保障江淮城雖破當時猶推其功以區區監沔數千持械自衛之民其功乃與古人比烈豈不可尙也哉當胡文忠敗麥山退保新隄下軍餉芻茭仰給新隄一隅商

民計貨輸財後遂用其法於直省餉源以裕軍政大振暨于  
克復統攬大局綜觀前後沔民之有裨於中興大計功豈淺  
鮮哉福嘗論湖北形勝三日武昌襄陽江陵三者分則雖險  
不堪用三者合則險乃不可踰而荆襄與武漢勢相懸遠呼  
吸不靈須以天河爲中權建重兵以策應上下乃能氣脈貫  
通首尾環交先雨綢繆亦受人寄託者之責哉